



Peter Olsen
Inatsisartunut ilaasortaq, Inuit Ataqtigiit

Eqqumiitsuliortunik ataqqinaatissiissuteqartarnissamut eqqumiitsuliortunillu nersuiniartalernissamut tunngatillugu § 37 naapertorlugu apeqqummut nr. 136/2023-mut akissut

Asasara Peter Olsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1: Naalakkersuisut qaqugu eqqumiitsuliortunik ataqqinaatissiissuteqartalerlutillu ukiut tamaasa eqqumiitsuliortunik nersuiniartalernissartik naatsorsuutigaa?

Akissut:

Nersornaatit akissarsiat pillugit nalunaarutissamik kiisalu Eqqumiitsuliornermut Aningaasaateqarfik pillugu nalunaarutissamik nutaamik siunnersuusiorlutik Naalakkersuisut suliaqarnertik naammassilerpaat. Naatsorsuutigineqarpoq nersornaatit akissarsiat Eqqumiitsuliornermut Aningaasaateqarfimmit tunniunneqartarnissaat tamannalu siunnersuummut kingullertut taaneqartumut siunnersuuteqartoqarneranut pissuteqarpoq.

Nalunaarutissatut siunnersuutit tamatuma kingorna attuumassutilinnut, tassunga ilanngullugu eqqumiitsuliortut kattuffiinu tusarniaassutigineqassapput.

Eqqumiitsuliortunut nersornaatit pillugit nalunaarutissatut aamma siunnersuusiortoqarumaarpoq. Nersornaatit nalunaarummi malittarisassat naapertorlugit 2024 aallarnerfigalugu tunniunneqarsinnaalernissaat naatsorsuutaavoq.

Inussiarnersumik inuulluaqqusillunga

Aqqaluaq B. Egede

20-09-2023
Suliap normua: 2023 - 3471
All. nr. 23389946

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl